

Etholiadau cyngorau  
cymuned yng Nghymru

# Canllawiau i ymgeiswyr

Rhan 1 o 6 – A allwch sefyll  
etholiad?

Ionawr 2022 (Diweddarwyd Chwefror 2022)

Mae'r ddogfen hon ond yn gymwys i etholiadau cyngorau cymuned. Nid yw'n gymwys i etholiadau sirol nac etholiadau bwrdeistrefi sirol. Gellir gweld ein canllawiau a'n hadnoddau ar gyfer etholiadau eraill yn y DU ar ein gwefan trwy: [www.electoralcommission.org.uk/cy/rwyf-yneg-pleidleisiwr/ymgeisydd-neu-asiant](http://www.electoralcommission.org.uk/cy/rwyf-yneg-pleidleisiwr/ymgeisydd-neu-asiant)

# Cynnwys

|   |          |
|---|----------|
| <b>Gwybodaeth hanfodol</b> .....  | <b>2</b> |
| Amodau cymhwyso ar gyfer sefyll etholiad.....   | 3        |
| Anghymwysiadau .....  | 3        |
| A allaf sefyll etholiad mewn mwy nag un cyngor<br>plwyf/cymuned?.....                               | 2        |
| A allaf sefyll fel ymgeisydd mewn cyngor plwyf/cymuned a'r<br>etholiad i'r prif gyngor? .....       | 3        |
| Os oes wardiau yn fy mhlwyf/cymuned, a allaf sefyll<br>etholiad mewn mwy nag un ward? .....         | 3        |
| <br>  |          |
| <b>Gwybodaeth atodol</b> .....  | <b>4</b> |
| Yr amodau cymhwyso .....  | 4        |
| a. Bod yn etholwr llywodraeth leol cofrestredig. ....   | 4        |
| b. Meddiannu unrhyw dir neu safle arall yn ardal y<br>plwyf/cymuned fel perchennog neu denant. .... | 4        |
| c. Mae eich prif weithle neu'ch unig weithle yn ardal y<br>plwyf/cymuned.....                       | 6        |
| d. Byw yn ardal y plwyf/cymuned (neu o fewn tair milltir<br>iddi).....                              | 6        |
| <br>  |          |
| Rhagor o wybodaeth am rai anghymwysiadau .....  | 7        |
| Gweithio i'r cyngor plwyf/cymuned.....  | 7        |
| Cyfyngiadau methdaliad neu orchymyn interim .....   | 8        |

# 2

## Gwybodaeth hanfodol

Mae'r adran hon o'r ddogfen yn cynnwys ein canllawiau ar b'un a allwch sefyll etholiad ar gyfer cyngor cymuned. Darperir gwybodaeth atodol ar gefn y ddogfen hon, sydd ond yn berthnasol efallai i rai ymgeiswyr. Gallwch weld y canllawiau atodol hyn drwy glicio ar y dolenni yn y ddogfen hon neu drwy glicio ar bennawd y bennod ar y dudalen gynnwys.

Yn y ddogfen hon, byddwn yn defnyddio 'chi' i gyfeirio at yr ymgeisydd. Rydym hefyd yn defnyddio 'rhaid' wrth gyfeirio at ofyniad penodol. Rydym yn defnyddio 'dylai' ar gyfer eitemau sydd yn arfer da gofynnol yn ein barn ni, ond nad ydynt yn ofynion cyfreithiol neu reoleiddiol.

Mae'r dyddiadau cau y sonnir amdanynt yn y ddogfen hon yn rhai cyffredinol ac rydym wedi cyhoeddi [amserlen gyffredinol ar gyfer etholiadau ar ein gwefan](#).

Os bydd isetholiad wedi cael ei alw, byddwch yn gallu cael copi o'r amserlen benodol ar gyfer yr etholiad hwnnw gan y Swyddog Canlyniadau.

Rydym yma i helpu, felly cysylltwch â ni os oes gennych unrhyw gwestiynau. Gweler ein [Dogfen drosolwg](#) am fanylion cyswllt.

Mae deddfwriaeth diogelu data yn gymwys i'r gwaith o brosesu'r holl data personol.

Cysylltwch â [Swyddfa'r Comisiynydd Gwybodaeth](#) i gael rhagor o wybodaeth am sut mae'r Rheoliad Cyffredinol ar Ddiogelu Data yn effeithio arnoch chi.

## Amodau cymhwyso ar gyfer sefyll etholiad

1.1 Er mwyn gallu sefyll etholiad cyngor cymuned yng Nghymru rhaid i chi:<sup>1</sup>

- fod yn 18 mlwydd oed o leiaf
- bod yn ddinesydd Prydeinig, yn [ddinesydd cymwys o'r Gymanwlad](#), yn ddinesydd yn un o [aelod-wladwriaethau yr Undeb Ewropeaidd](#) neu'n ddinesydd tramor cymwys, ac yn
- bodloni o leiaf un o'r pedwar amod cymhwyso canlynol:
  - a. Rydych wedi'ch cofrestru, a byddwch yn parhau i gael eich cofrestru fel etholwr llywodraeth leol ar gyfer y gymuned yr ydych yn dymuno sefyll ynddo/ynddi o ddiwrnod eich enwebiad ymlaen. Gweler paragraff **1.13** am ragor o wybodaeth.
  - b. Rydych wedi meddiannu unrhyw dir neu safle arall yn ardal y gymuned fel perchennog neu denant yn ystod y 12 mis cyfan cyn y diwrnod y cewch eich enwebu a diwrnod yr etholiad. I gael rhagor o wybodaeth, gweler paragraff **1.14**.
  - c. Mae eich prif weithle neu'ch unig weithle yn ystod y 12 mis diwethaf cyn y diwrnod y cewch eich enwebu a diwrnod yr etholiad wedi bod yn ardal y gymuned. Rhoddir rhagor o wybodaeth ym mharagraff **1.21**.
  - d. Rydych wedi byw yn ardal y gymuned neu o fewn tair milltir iddi yn ystod y 12 mis cyfan cyn y diwrnod y cewch eich enwebu a diwrnod yr etholiad. Gweler paragraff **1.22** am ragor o fanylion.

## Anghymwysiadau

1.2 Ar wahân i fodloni'r amodau cymhwyso ar gyfer sefyll etholiad, rhaid i chi sicrhau hefyd nad ydych wedi eich anghymhwyso.

Dinesydd **cymwys** o'r Gymanwlad yw dinesydd o'r Gymanwlad:

- nad oes angen caniatâd arno i ddod i mewn i'r Deyrnas Unedig neu aros yno, neu
- sydd â chaniatâd penagored i aros yn y Deyrnas Unedig

Dinesydd tramor cymwys yw unigolyn nad yw'n un o'r canlynol

- dinesydd y Gymanwlad
- dinesydd Gweriniaeth Iwerddon

ac sydd â chaniatâd i aros, neu nad oes angen caniatâd i aros arno, neu sy'n cael ei drin fel rhywun sydd â chaniatâd i ddod i mewn i'r DU neu aros yndd

Mae'r ystod lawn o anghymwysiadau yn gymhleth ac os oes unrhyw amheuaeth gennych ynghylch p'un a ydych wedi eich anghymhwyso, rhaid i chi wneud popeth o fewn eich gallu i gadarnhau nad ydych wedi eich anghymhwyso cyn cyflwyno eich papurau enwebu.

Rhaid i chi sicrhau nad ydych wedi eich anghymhwyso oherwydd gofynnir i chi lofnodi un o'r papurau enwebu sy'n ofynnol er mwyn cadarnhau nad ydych wedi eich anghymhwyso.

Mae'n drosedd gwneud datganiad ffug ar eich papurau enwebu o'ch cymhwyster ar gyfer cael eich ethol, felly os oes unrhyw amheuaeth gennych, dylech gysylltu â'ch cyflogwr, ymgynghori â'r ddeddfwrfa neu, os oes angen, ceisio eich cyngor cyfreithiol annibynnol eich hun.

Ni fydd y Swyddog Canlyniadau yn gallu cadarnhau a ydych wedi eich anghymhwyso ai peidio.

1.3 Mae rhai pobl wedi'u hanghymhwyso rhag bod yn aelod o gyngor cymuned.

- a. Cewch eich **cyflogi gan y cyngor cymuned** neu rydych yn dal swydd gyflogedig o dan y cyngor cymuned (gan gynnwys cyd-fyrddau neu bwyllgorau).<sup>2</sup> I gael rhagor o wybodaeth, gweler paragraff **1.24**.

1.4 Mae rhai pobl wedi'u hanghymhwyso rhag cael eu hethol neu fod yn aelod o gyngor cymuned. Ni allwch fod yn ymgeisydd os ayw'r canlynol yn wir ar adeg eich enwebu ac ar y diwrnod pleidleisio:

- b. Rydych yn destun **gorchymyn cyfyngiadau methdaliad neu orchymyn interim**.<sup>3</sup> I gael rhagor o wybodaeth, gweler paragraff **1.32**.
- c. Rydych wedi cael euogfarn droseddol yn ystod y cyfnod o bum mlynedd a ddaeth i ben ar ddiwrnod yr

# 2

etholiad, neu ers cael eich ethol rydych wedi eich profi yn euog o drosedd, rydych wedi eich dedfrydu i gyfnod o garchar o dri mis neu fwy (gan gynnwys dedfryd a ohiriwyd), heb y dewis o ddirwy, ac mae'r cyfnod cyffredin a ganiateir ar gyfer gwneud apêl neu gais o ran yr euogfarn wedi mynd heibio<sup>4</sup>

- d. Rydych wedi cael eich **anghymhwysu o dan Ddeddf Cynrychiolaeth y Bobl 1983** (sy'n cwmpasu arferion etholiadol llwgr neu anghyfreithlon). Mae anghymhwysu rhywun am arfer anghyfreithlon yn dechrau o'r dyddiad y cafwyd rhywun yn euog gan lys etholiad neu o'r dyddiad y cafodd ei gollfarnu ac mae'n para am dair blynedd. Mae anghymhwysu rhywun am arfer llwgr yn dechrau o'r dyddiad y cafwyd rhywun yn euog gan lys etholiad neu o'r dyddiad y cafodd ei gollfarnu ac mae'n para am bum mlynedd.<sup>5</sup>
- e. Rydych yn destun gofynion hysbysu neu orchymyn o dan Adran 2 o Ddeddf Troseddau Rhywiol 2003 ac mae'r cyfnod cyffredin a ganiateir ar gyfer gwneud apêl neu gais o ran y gorchymyn neu'r hysbysiad wedi mynd heibio.<sup>6</sup>

1.5 Nid yw person sydd yn y broses o wneud apêl neu gais mewn perthynas â'r anghymhwysiaid yn c, d a e uchod, wedi'i anghymhwysu ar unrhyw adeg cyn diwedd y diwrnod pan waredir neu rhoddir y gorau i'r apêl neu'r cais, neu pan fydd yr apêl neu'r cais yn methu oherwydd diffyg erlyniad.

1.6 Gall rhywun gael ei anghymhwysu rhag sefyll etholiad os yw wedi cael ei anghymhwysu rhag sefyll etholiad ar gyfer awdurdod lleol<sup>7</sup> yn dilyn penderfyniad Panel Dyfarnu Cymru<sup>8</sup>

## A allaf sefyll etholiad mewn mwy nag un cyngor cymuned?

1.7 Gallwch sefyll etholiad mewn cyngorau cymuned gwahanol, ar yr amod eich bod yn gymwys i sefyll ym mhob un o'r cyngorau plwyf neu gymuned hynny.

## A allaf sefyll fel ymgeisydd mewn cyngor cymuned a'r etholiad i'r prif gyngor?

1.8 Ar yr amod eich bod yn bodloni'r amodau cymhwysu ar gyfer y ddau, gallwch sefyll etholiad mewn cyngor cymuned a sefyll etholiad i brif gyngor ar yr un pryd, fel etholiad i'r cyngor sir neu fwrdeistref sirol.

## Os oes wardiau yn fy nghymuned, a allaf sefyll etholiad mewn mwy nag un ward?

1.9 Caiff rhai cymunedau eu his-rannu yn wardiau. Gallwch gadarnhau â'r Swyddog Canlyniadau os oes wardiau yn y gymuned y bwriadwch sefyll ynddi. Er y cewch gyflwyno papurau enwebu ar gyfer mwy nag un ward, ni allwch sefyll etholiad mewn mwy nag un ward o fewn yr un awdurdod lleol ar ôl y dyddiad cau ar gyfer tynnu eich enw yn ôl.<sup>9</sup>

1.10 Os bydd y Swyddog Canlyniadau yn derbyn eich papurau enwebu a'ch bod yn cael eich enwebu'n ddilys mewn mwy nag un ward o fewn yr un gymuned, rhaid i chi dynnu eich enw yn ôl o bob ward ond un erbyn 4pm ar y 19eg diwrnod gwaith cyn yr etholiad. Os na wnewch hyn, yna tybir eich bod wedi tynnu eich enw yn ôl o bob ward.<sup>10</sup>

1.11 Ceir rhagor o fanylion naill ai yn [Rhan 2a: Sefyll fel ymgeisydd annibynnol](#) neu [Rhan 2b: Sefyll fel ymgeisydd plaid](#).

# 4

## Gwybodaeth atodol

### Yr amodau cymhwyso

1.12 Wrth gwblhau eich ffurflen caniatâd i enwebu gofynnir i chi nodi pa amodau cymhwyso rydych yn eu bodloni. Dylech nodi ar y ffurflen yr holl amodau cymhwyso sy'n berthnasol i chi.

#### a. Bod yn etholwr llywodraeth leol cofrestredig<sup>11</sup>

1.13 Er mwyn gallu defnyddio'r amod cymhwyso hwn, rhaid i'ch enw ymddangos ar gofrestr yr etholwyr llywodraeth leol ar gyfer y gymuned ar adeg eich enwebiad a thrwy gydol eich cyfnod yn y swydd os cewch eich ethol. Yn wahanol i amodau cymhwyso eraill nad oes ond rhaid i chi eu bodloni ar ddiwrnod eich enwebiad a'r diwrnod pleidleisio, mae hwn yn amod cymhwyso parhaus. Felly argymhellwn, os ydych yn bodloni unrhyw rai o'r amodau cymhwyso eraill hefyd, y gallech nodi hyn ar eich cydsyniad ag enwebiad, sy'n un o'r papurau enwebu gofynnol.

#### b. Meddiannu unrhyw dir neu safle arall yn ardal y gymuned fel perchennog neu denant<sup>12</sup>

1.14 Er mwyn gallu defnyddio'r amod cymhwyso hwn, rhaid eich bod wedi meddiannu unrhyw dir neu safle arall yn ardal y gymuned fel perchennog neu denant yn ystod y 12 mis cyn y diwrnod y cewch eich enwebu a chyn y diwrnod y pleidleisio.

1.15 Rhaid i chi feddiannu 'tir neu safle arall' er mwyn bodloni'r amod cymhwyso hwn. Gall cynnwys y geiriau 'safle arall' weithiau gael ei ystyried yn rhywbeth heblaw am dir (h.y. rhyw fath o adeiladwaith). Gan fod 'tir' a 'safle arall' yn ddewisiadau amgen mae'n bosibl, mewn egwyddor, i rywun fodloni'r amod



cymhwyso hwn drwy feddiannu tir yn unig. Gellir dadlau bod rhai adeiladweithiau y tu allan i'r term 'safle' (e.e. pabell, carafán, cwch preswyl neu gartref symudol). Fodd bynnag, dim ond cadarnhau ei fod yn meddiannu'r tir y mae, er enghraifft, ei babell arno y mae'n rhaid i rywun ei wneud i feddiannu adeiladwaith o'r fath.

1.16 Os yw'r tir neu'r safle yn croesi ffin cymuned, mae'r tir/safle yn yr ardal honno o ran y gymuned.

1.17 Rhaid i chi hefyd feddiannu'r tir neu'r safle arall fel 'perchennog' neu 'denant'. Gellir cadarnhau perchnogaeth drwy ddangos hawl i'r tir neu'r safle dan sylw. Cadarnheir tenantiaeth drwy ddangos bod y tir ar brydles. Mewn nifer o amgylchiadau, bydd prydles yn goroesi hyd yn oed os yw wedi dod i ben a bod y partïon wedi methu â llofnodi prydles newydd, a bydd y denantiaeth yn goroesi drwy gytundeb dealedig rhwng y partïon. Felly, gall amgylchiadau godi lle y gall fod angen cadarnhau tenantiaeth rhywun o dir neu safle drwy gyflwyno tystiolaeth heblaw am brydles gyfredol.

1.18 Rhaid eich bod hefyd wedi 'meddiannu'r' tir neu'r safle. Felly, yn ogystal â chadarnhau perchnogaeth gyfreithiol neu denantiaeth gyfreithiol, rhaid i chi gadarnhau eich bod wedi meddiannu'r tir neu'r safle mewn gwirionedd. Mae hwn yn gwestiwn ffeithiol ym mhob achos. Mae'r dehongliad o'r term 'meddiannu' mewn cyd-destunau cyfreithiol eraill yn awgrymu nad oes angen i rywun breswyllo'n bersonol ar y tir neu'r safle (a all gael ei gwmpasu, beth bynnag, gan yr amod cymhwyso 'yn byw yn ardal y gymuned').

1.19 Fodd bynnag, mae'n golygu bod angen i rywbeth gael ei wneud mewn gwirionedd ar y tir neu'r safle - ni ellir disgrifio tŷ gwag heb ei gloi er enghraifft fel rhywle sydd wedi ei 'feddiannu'. Mae hefyd yn golygu bod angen rhywfaint o reolaeth er mwyn atal neu eithrio eraill rhag ymyrryd â'r tir neu'r safle. Os ydych wedi is-osod eich tir neu safle cyfan i rywun arall, bydd hyn yn awgrymu nad ydych yn ei 'feddiannu' ar eich pen eich hun.

1.20 Yn olaf, rhaid eich bod wedi meddiannu'r tir neu'r safle yn ystod y deuddeg mis cyfan cyn y diwrnod y cewch eich enwebu a'r diwrnod pleidleisio. Dylid gweithio allan a fydd absenoldeb yn eich atal rhag honni eich bod wedi meddiannu'r

# 6

tir neu'r safle ar gyfer y flwyddyn flaenorol drwy ystyried pob ffactor arall: er enghraifft, a ydych wedi caniatáu i eraill feddiannu'r tir neu'r safle yn eich absenoldeb, a'r rheswm dros eich absenoldeb.

## c. Mae eich prif weithle neu'ch unig weithle yn ardal y gymuned<sup>13</sup>

1.21 Er mwyn gallu defnyddio'r amod cymhwyso hwn, rhaid bod eich prif weithle neu'ch unig weithle wedi bod yn ardal y gymuned yn ystod y 12 mis cyn y cewch eich enwebu a chyn y diwrnod pleidleisio ei hun. Nid oes rhaid i chi fod mewn swydd â thâl er mwyn bod yn gymwys, cyhyd â'ch bod yn bodloni'r gofyniad bod yn rhaid i'ch prif weithle neu'ch unig weithle fod yn ardal y gymuned. Byddai cynghorwyr yn gallu defnyddio'r amod cymhwyso hwn os mai eu prif swydd neu eu hunig swydd yw bod yn gynghorydd, ar yr amod bod eu lle gwaith yn y gymuned.

## d. Byw yn ardal y gymuned (neu o fewn tair milltir iddi)<sup>14</sup>

1.22 Er mwyn gallu defnyddio'r amod cymhwyso hwn, nid yw'n golygu eich bod wedi gorfod byw yn yr un cyfeiriad am 12 mis cyfan cyn y diwrnod y cewch eich enwebu, ond eich bod wedi byw yn yr un gymuned, neu o fewn tair milltir iddo/iddi, yn ystod y 12 mis cyfan hynny.

1.23 Os ydych, dros y 12 mis diwethaf, wedi byw mewn mwy nag un cyfeiriad yn y gymuned (neu o fewn tair milltir iddi);

- dylech restru ar eich caniatâd i enwebu, sy'n un o'r papurau enwebu gofynnol, yr holl gyfeiriadau yr ydych wedi byw ynddynt yn ystod y cyfnod hwnnw.

Mae'r amod cymhwyso hwn hefyd yn ei gwneud yn ofynnol i chi fyw yn ardal y gymuned, neu o fewn tair milltir iddi o'r dyddiad enwebu tan y diwrnod pleidleisio.

## Rhagor o wybodaeth am rai anghymwysiadau

### Gweithio i'r cyngor cymuned<sup>15</sup>

1.24 Cewch eich anghymhwysu rhag sefyll fel ymgeisydd mewn etholiadau i gymuned benodol os ydych yn swyddog cyflogedig neu'n gyflogai yn y gymuned honno. Fodd bynnag, nid ydych wedi eich anghymwysu rhag sefyll fel ymgeisydd mewn etholiad i gyngor cymuned. Am ragor o wybodaeth, gweler paragraff **1.3**.

1.25 Byddai hyn yn wir:

- os yw eich penodiad wedi cael ei wneud
- os gallai gael ei wneud
- os yw wedi cael ei gadarnhau gan yr awdurdod lleol ei hun
- os yw wedi cael ei gadarnhau gan unrhyw un o bwyllgorau neu is-bwyllgorau'r awdurdod lleol
- os yw wedi cael ei gadarnhau gan unrhyw gyd-bwyllgor neu awdurdod Parc Cenedlaethol lle caiff yr awdurdod lleol ei gynrychioli gan rywun sy'n dal swydd neu gyflogaeth o'r fath

1.26 Fodd bynnag, nid yw anghymhwysiad ar sail bod yn swyddog cyflogedig neu gyflogai yn gymwys i swydd cadeirydd, is-gadeirydd, aelod llywyddol neu ddirprwy aelod llywyddol gadeirydd y gymuned.

1.27 Ni fydd gan y rhan fwyaf o gymunedau bwyllgorau nac is-bwyllgorau, ond efallai y bydd gan rai ohonynt bwyllgorau ac is-bwyllgorau o'r fath. Caiff swyddogion cyflogedig cymuned a gyflogir o dan gyfarwyddyd pwyllgorau neu is-bwyllgorau o'r fath eu hanghymwysu rhag sefyll i'r plwyf gymuned honno. Hefyd, lle mae gan bwyllgor neu is-bwyllgor o'r fath aelod, neu aelodau, a benodir ar enwebiad awdurdod lleol arall, bydd yr anghymhwysiad hefyd yn gymwys i gael eich ethol i'r awdurdod lleol arall.

# 8

1.28 Os ydych yn swyddog cyflogedig awdurdod lleol a gyflogir o dan gyfarwyddyd cyd-fwrdd, awdurdod Parc Cenedlaethol neu gyd-bwyllgor, cewch eich anghymhwysio rhag cael eich ethol fel aelod o'r holl awdurdodau a gynrychiolir ar y corff hwnnw.

1.29 Gall cyd-fyrddau, cyd-bwyllgorau ac ati gynnwys sefydliadau amrywiol, fel gwasanaethau tân ac awdurdodau addysg. Felly, fel rheol, os ydych yn gweithio yn y sector cyhoeddus lleol, dylech ofyn i adran AD eich cyflogwr i'ch helpu i gadarnhau a fyddai'r anghymhwysiad yn gymwys i chi. Weithiau gall cydberthnasau cyflogaeth fod yn gymhleth ac os felly, rydym yn argymhell eich bod yn ceisio eich cyngor cyfreithiol eich hun.

1.30 Os cewch eich ethol, nid yw'r anghymhwysiad gweithio i'r awdurdod lleol yn gymwys ar unrhyw adeg cyn i chi wneud datganiad derbyn swydd. Byddai'n rhaid eich bod wedi ymddiswyddo cyn llofnodi'r datganiad derbyn swydd.<sup>16</sup>

## Cyfyngiadau methdaliad neu orchymyn interim<sup>17</sup>

1.31 Nid yw methdaliad ynddo'i hun yn anghymhwysiad. Os ydych wedi'ch dyfarnu yn fethdalwr gan lys yng Nghymru, Lloegr neu Ogledd Iwerddon, ni chewch eich anghymhwysio ar y sail honno. Fodd bynnag fe gewch eich anghymhwysio os nad ydych yn destun unrhyw rai o'r canlynol ar hyn o bryd:

- gorchymyn cyfyngiad methdaliad interim
- gorchymyn cyfyngiadau methdaliad
- gorchymyn cyfyngiad gollwng dyled interim
- gorchymyn cyfyngiad gollwng dyled

a wnaed gan lys yng Nghymru neu Loegr. Mae'r gyfraith yn y maes hwn yn gymhleth, ac os gwnaed y gorchymyn yn yr Alban neu yng Ngogledd Iwerddon, dylech gymryd eich cyngor cyfreithiol eich hun.

---

<sup>1</sup> Deddf Llywodraeth Leol 1972 (LGA 1972) adran 79 fel y'i diwygiwyd gan Adran 19 o Ddeddf Llywodraeth Leol ac Etholiadau (Cymru) 2021

- 
- <sup>2</sup> Deddf Llywodraeth Leol (LGA) 1972 adran 80B(1)  
<sup>3</sup> LGA 1972 adran 80A(1)  
<sup>4</sup> LGA 1972 Adran 80A(2)  
<sup>5</sup> LGA 1972 adran 80(1)(e)  
<sup>6</sup> LGA 1972 adran 80(1)(c)  
<sup>7</sup> Deddf Llywodraeth Leol 2000 (LGA 2000) adran 49(6)  
<sup>8</sup> LGA 2000 adran 79(3)(b)  
<sup>9</sup> I'w gadarnhau yng ngorchymyn ymddygiad Etholiadau Lleol yng Nghymru  
<sup>10</sup> Fel uchod  
<sup>11</sup> LGA 1972 (LGA 1972) adran 79(1)(a)  
<sup>12</sup> LGA 1972 (LGA 1972) adran 79(1)(b)  
<sup>13</sup> LGA 1972 (LGA 1972) adran 79(1)(c)  
<sup>14</sup> LGA 1972 (LGA 1972) adran 79(1)(d)  
<sup>15</sup> LGA 1972 adran 80C fel y'i diwygiwyd gan Adran 20 o Ddeddf Llywodraeth Leol ac Etholiadau (Cymru) 2021  
<sup>16</sup> LGA 1972 Adran 80B(1) a (2) fel y'i hychwanegwyd gan Adran 20 o Ddeddf Llywodraeth Leol ac Etholiadau (Cymru) 2021  
<sup>17</sup> LGA 1972 adran 80A (1)(a) a (b)